

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Broj: T04 0 KT 0060323 25  
Zenica, 19.08.2025. godine

OPĆINSKOM SUDU U ZAVIDOVIĆIMA  
Sudiji za prethodno saslušanje

Na osnovu odredbe člana 45. stav 1. i 2. i člana 241. stav 1. ZKP FBiH, podižem

O P T U Ž N I C U

Protiv,

**S. S.**, osuđivan po Presudi Općinskog suda u ... broj: ... od 03.07.2024. godine za krivično djelo iz člana 239. stav 3. KZ F BiH na kaznu zatvora u trajanju od četiri mjeseca, uslovno jedna godina za djelo počinjeno dana 19.08.2023. godine,

Zbog postojanja osnova sumnje da je:

Dana 03.09.2024. godine, oko 11:00 sati, u gradu ..., u ulici ..., u zgradi Policijske stanice ..., suprotno odredbama člana 4. stav 1., 2., 3. i 5. u vezi sa članom 19. Zakona o sprečavanju i suzbijanju zloupotrebe opojnih droga BiH, iako je bio svjestan i znao da se radi o opojnoj drogi i da je posjedovanje droge zabranjeno, što je i htio, neovlašteno posjedovao jednu providnu PVC foliju sa biljnom zeljastom materijom, za koju je vještačenjem utvrđeno da sadrži psihoaktivnu komponentu Cannabis i tetrahidrokanabinol (THC), poznatiju kao opojna droga „Marihuana“ neto mase 0,166 grama, koja je pod rednim brojem 13. i 26. liste opojnih droga iz tabele 1. Zabranjene tvari i biljke proglašena takvom, a koju drogu je istog dana dobrovoljno predao ovlaštenim službenim licima PS ... na potvrdu o privremenom oduzimanju predmeta PS ... broj: ... od 03.09.2024. godine

**dakle**, neovlašteno posjedovao opojnu drogu,

**čime je**, počinio krivično djelo posjedovanje i omogućavanje uživanja opojnih droga iz člana 239. stav 3. KZ F BiH.

Radi toga, stavljam

**P R I J E D L O G**  
**dokaza koje treba izvesti**

Također, predlažemo sudu da u skladu s odredbama člana 78. i 239. stav 4. KZ F BiH osumnjičenom **S. S.** izrekne mjeru sigurnosti oduzimanje predmeta – opojne droge “cannabis, tetrahidrokanabinol (THC)” u količini od 0,140 grama, preostale nakon vještačenja, koja je pohranjena u depozitu PS ...